

高麗圖經

宋徐兢撰

上

進步書局校印



宣和奉使高麗圖經序

臣聞天子元正大朝會畢列四海圖籍於庭而王公侯伯萬國輻輳此皆有以揆之故有司所藏嚴密持甚而使者之職尤以是為急在昔成周職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民周知其利害而行人之官絡繹道路若慶賀犒餼之類凡五物之故莫不有治若康樂厄貧之類凡五物之辨莫不有書用以復命於王俾得以周知天下之故外史書之以為四方之志司徒集之以為土地之圖誦訓道之以詔觀事土訓道之以詔地事此所以一人之尊深居高拱於九重而察四方萬里之遠如指諸掌當沛公初入關蕭何獨收秦圖書及天下已定而漢盡得知其扼塞戶口者繫何之功隋長孫晟之至突厥每游獵輒記其國土委曲歸表聞於文帝口陳形勢手畫山川卒以展異日之效然則乘輜軒而使邦國者其於圖籍固所先務矧惟高麗在遼東非若侯甸近服可以朝下令而夕來上故圖籍之作尤為難也皇帝天德地業畢朝萬國乃眷高麗被遇神考益加懷徠遴擇在廷將命撫賜恩隆禮厚前未之有時給事中臣允迪以通經之才超世之文取甲科著宿望中書舍人臣墨卿學問高明見於踐履恪守忠孝臨事不回

竝命而行非獨其專節執對不減古人之庸使而風采聞望自足以壯朝廷之威靈
聳外夷之觀聽拜命未行會聞王侯薨遂以奠慰之禮兼往臣愚猥承人乏獲聯使
屬之末事之大者固從其長而區區得以專達者又不足以補報朝廷器使之萬一退
而自訟曰周爰咨詢歌於皇華之詩則徧問以事正使者之職謹因耳目所及博采
衆說簡汰其同於中國者而取其異焉凡三百餘條釐為四十卷物圖其形事為之
說名曰宣和奉使高麗圖經臣嘗觀崇甯中王雲所撰雜林志始疏其說而未圖其
形比者使行取以稽考為補已多今臣所著圖經手披目覽而遐陬異域舉萃於前
蓋倣聚米之遺制也雖然昔漢張騫出使月氏十有三年而後歸僅能言其所歷之
國地形物產而已臣愚雖才不逮前人然在高麗纔及月餘投館之後則守以兵衛
凡出館不通五六而驅馳車馬之間獻酬尊俎之上耳目所及非若十三載之久亦
粗能得其建國立政之體風俗事物之宜使不逃乎繪畫紀次之列非敢矜博洽飾
浮剽以塵冕旒之聽蓋撫其實事以復於朝庶少逭將命之責也有詔上之御府謹
撮其大槩為之序云

宣和六年八月六日奉議郎充奉使高麗國信所提轄人船禮物賜緋魚袋臣徐兢

謹序

仲父既以書上御府其副藏家靖康丁未春里人徐周賓借觀未歸而寇至失書所在後十年家君漕江西弭節於洪仲父省或來謂郡有北醫上宜生實獲此書亟訪之其無恙者特海道二卷耳仲父嘗為箴言世傳予書往往圖亡而經存余追畫之無難也然不果就嘻葢棺事乃已矣姑刻是留澂江郡齋來者尚有考焉
乾道三年夏至日左朝奉郎權發遣江陰軍主管學事徐箴書

宣和奉使高麗圖經目錄

第一卷

建國

第二卷

世次

第三卷

城邑

第四卷

門闕

第五卷

宮殿

第六卷

宮殿

第七卷

冠服

第八卷

人物

第九卷

儀物

第十卷

儀物

第十一卷

仗衛

第十二卷

仗衛

第十三卷

兵器

第十四卷

旗幟

第十五卷

車馬

第十六卷

官府

第十七卷

祠宇

第十八卷

道教

釋氏

第十九卷

民庶

第二十卷

婦人

第二十一卷

阜隸

第二十二卷

雜俗

一

第二十三卷

雜俗

二

第二十四卷

節仗

第二十五卷

受詔

第二十六卷

燕禮

第二十七卷

館舍

第二十八卷

供帳一

第二十九卷

供帳二

第三十卷

器皿一

第三十一卷

器皿二

第三十二卷

器皿三

第三十三卷

舟棹

第三十四卷

海道一

第三十五卷

海道二

第三十六卷

海道三

第三十七卷

海道四

第三十八卷

海道五

第三十九卷

海道六

第四十卷

同文

宣和奉使高麗圖經卷第一

宋 徐競著

建國

臣聞蠻夷君長類以詐力自尊殊名詭號單于可汗無足稱者獨高麗自箕子之封以德取侯後世稍衰他姓亦用漢爵代居其位上有常尊下有等衰故襲國傳世頗可紀錄今謹稽諸史敘其歷代之王作建國記云

始封

高麗之先蓋周武王封箕子胥餘於朝鮮實子姓也歷周秦至漢高祖十二年燕人衛滿亡命聚黨椎結服役蠻夷浸有朝鮮之地而王之自子姓有國八百餘年而為衛氏衛氏有國八十餘年先是夫餘王得河神之女為日所照感孕而卵生既長善射俗稱善射為朱蒙因以名之夫餘人以其生異謂之不祥請除之朱蒙懼逃焉遇大水無梁勢不能渡因持弓擊水而咒之魚鱉竝浮因乘以濟至紇升骨城而居自號曰高句驪因以高為氏而以高驪驪 韓刻為國凡有五部曰消奴部韓刻下四部各有曰字絕奴部順奴部灌奴部桂婁部漢武帝滅朝鮮以高麗為縣屬元菟郡其君長賜之鼓吹伎人常

從郡受朝服衣幘。縣令主其名籍。後稍驕。不復詣郡。於東界築小城。歲時受之。因名

幘溝。溝。漚者。高麗名城也。於是始稱為

鄭刻無為字

王焉。王莽發其兵以誅匈奴。不至。

降王為侯。而麗人益寇邊。光武中興。麗遣邊吏。建始八年。遣使來朝。因復王號。列為

外藩。安帝以後。部眾滋熾。雖少鈔暴。旋即賓服。初。消奴為王。既衰。而桂婁代之。至王

宮生。而開目能視。國人惡之。及長。壯勇。和帝時。頻掠遼東。傳至王伯固。伯固死。有二

子。長曰拔奇。

鄭刻有者字

不肖。次曰伊夷模。國人立焉。漢末。公孫康擊破伊夷模於其國。

九都山下。國人共立其子位宮。位宮亦有勇力。好鞍馬。以其祖宮生而能視。今王亦

然。句驪謂相似為位。故名。

鄭刻有日字

位宮。魏將毋丘儉屠之。追至肅。

今上御名。孝宗諱春。

刻石。

紀功而還。位宮五世孫。劉晉永嘉中。與遼西鮮卑慕容廆。廆不能制。康帝建元初。

廆子鈇帥師伐之。大敗。後為百濟所滅。其後慕容寶以其王高安為平州牧。安孫璉。

義熙中。遣長史孫翼獻赭白馬。以為營州牧。高麗王樂浪郡公璉七世孫元。隋文帝

時。率靺鞨寇遼東。唐太宗時。其東部大人蓋蘇文。賊虐不道。帝親征之。威震遼海。高

宗又命李勣討平之。俘其王高藏。裂地而為郡縣。建安東都護府於平壤城。以兵鎮

守。後武后遣將擊殺其主乞昆羽。而立其主乞仲象。亦病死。仲象子祚榮立。因有其

衆四十萬。據於桂婁。臣於唐中宗時。乃置忽汗州。以祚榮為都督渤海郡王。其後遂號渤海。初。藏之俘也。其酋長有劍牟岑者。立藏外孫舜為王。又命高偁討平之。都護府既屢遷。舊城頗入新羅。遣民散奔突厥。靺鞨。高氏既絕。久而稍復。至唐末。遂王其國。後唐同光元年。遣使來朝。國王姓氏史失不載。長興二年。王建權知國事。遣使入貢。遂受爵以有國云。

宣和奉使高麗圖經卷一終

宣和奉使高麗圖經卷第二

宋 徐兢著

世次

臣聞史家之法傳遠者略而近者詳高麗歷世之王臣既以概敘之於前矣若乃王氏建國累世尊事本朝至王侯與今王楮又享禮加厚不可不條著之謹因其世次宗系而嗣以楮之行事云

王氏

王氏之先蓋高麗大族也當高氏政衰國人以建賢遂共立為君長後唐長興三年遂自稱權知國事請命於明宗乃拜建元莞州都督充大義軍使封高麗王晉開運二年建卒子武立漢乾祐末武卒子昭立至皇朝建隆三年太祖皇帝御立奄有萬國昭遣使來朝賜以功臣之號仍加食邑開寶九年昭卒子伯立遣使請命封高麗國王玉太宗皇帝即位改封大順軍使太平興國七年伯卒弟治上章乞襲封詔從之淳化六年契丹攻之治畏懦無守臣事北境遂闕朝貢治卒弟誦立咸平三年其臣朱仁紹入朝具言國人思慕皇化逼於強鄰未能如願朝廷嘉之賜詔褒諭大中祥

符七年。誦卒。弟詢。權知國事。大破契丹。復謹修貢。且乞降尊號。頒正朔。又求封冊。真宗皇帝初欲俯從。議者難之。遂寢。止從班詔而已。天聖中。使人屢與女真偕來貢方物。天子加恩。報禮優異。後詢卒。子隆立。優柔不斷。政荒力屈。憚於北境。遂復臣事之。而貢使又絕。隆卒。私諡曰正子德王欽。欽弟穆王亨。皆朝貢不通。而朝廷亦罷遣使。亨弟徽。熙甯四年。以權知國事。復修方貢。七年九年。使人荐至。神宗皇帝嘉其忠。蓋元豐元年。命左諫議大夫安燾為國信使。起居舍人陳駿副之。自明州定海絕洋而往。時徽病風痺。僅能拜命。且乞醫藥。上覽其奏。從之。三年四年。遣使來朝。六年徽卒。立凡三十八年。諡曰文世子勳。立百日卒。弟國原公運立。命左諫議大夫楊景略為祭奠使。禮賓使王舜封副之。右諫議大夫錢勰為弔慰使。西上閤門副使朱球副之。七年七月。自密之板橋航海而往。八年。哲宗皇帝踐祚。使來奉慰。又遣使來賀。運立四年卒。諡曰宣子堯立。未閱歲而以病廢。國人乃請其叔熙攝政。未幾而堯卒。諡曰懷熙。乃襲位。自元祐五年。至元符元年。貢使再至。三年。遣使綏撫。遵元豐故事也。皇帝嗣位。通追來孝。丕承先烈。薄海內外。無不臣妾。德被藩服。恩行海隅。迺者崇甯元年。命戶部侍郎劉逵給事中吳拭持節往使。禮物豐腆。恩綸昭回。所以加惠麗國。

而褒寵鎮撫之以繼神考之志益大而隆二年五月由明州道梅岑絕洋而往時熙
避契丹嫌名改熙曰顯然自神考有作務來遠人天相膚謨王徽襲爵以承其旨殆
非偶然徽忠順循理知尊中國館待使華禮意勤厚至遇賈人亦有體貌治尚仁恕
亨國長久宜矣崇甯二年顯卒年五十世子侯立自長興三年壬辰迄今宣和六年
甲辰王氏有國九世凡十七人各一百九十三年云

世系

建武昭仙

治

誦

詢隆欽

亨

徽勳

運堯

顯侯楷

高麗國王王楷

楷王侯世子也。壬寅春三月。侯病革。召李資謙入議嗣事。夏四月。侯薨。資謙等乃立楷為王。楷眉宇疎秀。形短而貌豐。肉勝於骨。性慧多學。亦甚嚴明。在春宮時。官屬有過。必遭遣辱。既立。雖幼沖。國官頗畏憚之。廼者信使至。彼受詔拜表。行燕饗禮。升降進退。綽有成人之風。亦當為東夷之賢王也。

宣和奉使高麗圖經卷第三

宋 徐兢著

城邑

臣聞四夷之君類多依山谷就水草隨時遷徙以為便適固未嘗知有國邑之制西域車師鄯善僅能築牆垣作居城史家即指為城郭諸國蓋誌其異也若高麗則不然立宗廟社稷治邑屋州閭高堞周屏模範中華抑箕子舊封而中華遺風餘習尚有存者朝廷閒遣使存撫其國入其境城郭歸然實未易鄙夷之也今盡得其建國之形勢而圖之云

封境

高麗南隔遼海西隔遼水北接契丹舊地東距大金又與日本琉球毗羅黑水毛人等國犬牙相制惟新羅百濟不能自固其國為麗人所并今羅州廣州道是也其國在京師之東北自燕山道陸走渡遼而東之其境凡三千七百九十里若海道則河北京東淮南兩浙廣南福建皆可往今所建國正與登萊濱隸鄭刻作濱隸相望自元豐以後每朝廷遣使皆由明州定海放洋絕海而北舟行皆乘夏至後南風風便不過

五日。即抵岸。馬舊封境東西二千餘里。南北一千五百餘里。今旣并新羅百濟。東北稍廣。其西北與契丹相接。鄭刻云與契丹接連昔以大遼為界。後為所侵迫。乃築來遠城。以為阻固。然亦恃鴨綠以為險也。鴨綠之水。源出靺鞨。其色如鴨頭。故以名之。去遼東五百里。經國內城。又西與一水合。即鹽難水也。二水合流。西南至安平城入海。高麗之中。此水最大。波瀾清澈。所經津濟。皆載巨艦。其國恃此以為天塹水。濶三百步。在平壤城西北四百五十里。鄭刻有遼水東西四百八十里句自遼以東。即舊屬契丹。今虜衆已亡。大金以其地不毛。不復城守。徒為往來之道而已。鴨綠之西。又有白浪黃崑二水。自頗利城行數里。合流而南。是為遼水。唐貞觀間。李勣大破高麗於南蘇。旣渡。怪其水淺狹。問之云。是遼源。以此知前古未嘗恃此水以為固。此高麗所以退保鴨綠之東歟。

形勢

高麗素知書明道理。拘忌陰陽之說。故其建國必相其形勢。可為長久計者。然後宅之。自漢末徙九都山下。後魏至唐。皆居平壤。至李勣平其地。建都護府。則嘗遁寄稍東。不詳其所。唐末復國。當是今所都地。蓋嘗為開州。今尚置開城。鄭刻府其城北據崧山。其勢自乾亥來。至山之脊。稍分為兩歧。更相環抱。陰陽家謂之龍虎臂。以五音